

二十四史九通政典類要合編

宋

第 三 冊

欽定四庫全書

PDG

人自金輅而下其制皆同玉輅惟無玉飾輿服志

右五輅

宋五副輅並駕六馬駕士四十人當用銀飾者皆以銅餘制如正輅政和三年禮制局上五副輅並金塗銅裝四年增改舊飾舊副玉輅色青飾以金改用黃而飾以玉樊纓如玉輅之制建大常色黃飾以組象日月于繆星辰于旂其長曳地舊金輅改用青飾以金樊纓以五彩屬而九就建大旂色青飾以組象交龍于繆升龍于旂其長齊軫象輅改用赤飾以象樊纓以五彩屬而七就建大赤色赤飾以組象鳥隼於繆旂其長齊較革輅改用白飾以革龍勒條纓建大白色白飾以組象熊虎于繆旂其長齊肩三輅皆維以縷削幅爲之木輅依舊色而飾以漆其色黑前樊鵠纓建大麾色黑飾以組象龜蛇於繆旂其長齊首維以縷充幅爲之中興後副輅不設續通典禮典

右副輅

徽宗政和六年徐秉哲言南北郊皇帝乘玉輅以赴齋宮自齋宮赴壇正當祀天祭地乃乘大輦疑非禮意下禮制局討論禮制局請造大輅如玉輅之制唯不飾以玉所駕之馬其數如之唯樊纓一就以稱尚質之義仍建大旂十有二旒龍章日月以協象天之義至禮畢還齋宮則御大輦於禮無嫌從之輿服志續通典同

右大輅

太祖建隆四年翰林學士承旨陶穀爲禮儀使創意造爲大輦赤質正方油畫金塗銀葉龍鳳裝其上四面行龍雲氣火珠方鑑銀絲囊網珠翠結條雲龍鈿窠霞子四角龍頭銜香囊頂輪施耀葉中有銀蓮花坐龍紅綾裏碧牙壓帖內設圓鑑銀絲香囊銀飾勾闌臺坐紅絲條網幘錯鑑中施黃褥上置御坐扶几香爐錦結綬几衣輪衣絡帶並緋繡壓金銀綾長竿四銀裏鐵鈎龍頭魚鈎錦膊褥銀裝畫梯拓又黃羅緣席褥吧梯杖褥朱紫緋繒油吧主輦六十四人親祀南郊謁太廟還及具饗駕黃麾仗省方還都則乘之

輿服志

大輦中興後更製名大安輦

宋輦有七中興後惟存大輦平輦逍遙而已

赤質正方高十五尺三寸方十一尺六寸四柱

平輦上覆青綠錦上有天輪二層外施金塗銀博山八十一內有圓鏡金塗銀頂龍一四面行龍十六火珠四輪衣以青墜以金鈴頂有青羅十字分垂四角曰絡帶四角出龍首銜犖牛五色尾曰旒綬四面拱斗外施方鏡九柱圍以朱闌中設御坐曲几屏風錦褥下舉以長竿四攢竹筋膠丹漆之竿爲龍首平輦下四圍結絲網輦官服色武弁黃纈對鳳龍袍黃絹勒帛紫生色袒帶紫紅絹行膝芳亭輦黑質頂如幕屋緋羅衣裙欄絡帶皆繡雲鳳兩面朱綠牕花版外施紅絲網金銅幘錯前後垂簾下設牙牀勾闌長竿四銀龍頭銀飾梯行馬主輦一百二十人政和之制簾以紅羅繡鸞爲額內設御坐長竿飾以金塗銅螭首橫竿二鳳輦赤質頂輪下有二柱緋羅輪衣絡帶門簾皆繡雲鳳頂有金鳳一兩壁刻畫龜文金鳳翅前有軾圓香爐香寶結帶下有勾闌二重內設紅錦褥長竿三

銀飾梯行馬主輦八十人法駕鹵簿不設逍遙輦以樓櫓爲屋赤質金塗銀裝朱漆扶版二雲版一長竿二節以金塗銀龍頭常行幸所御魚鈎粉銙梅紅條輦官十二人春夏服緋羅衫秋冬服白獅子錦襖眞宗封則造辟塵逍遙輦加牕隔黃繒爲裏賜名省方逍遙輦中輿之制赤質金塗四柱樓屋上有走脊金龍四中起火珠凸頂四面不設牕障中有腳踏子制甚簡素祇應人員服帽子宜男方勝纈衫平輦又名平頭輦亦曰太平輦制如逍遙輦而無屋輦官十二人服同逍遙輦東封別造升山天平輦施機關賜名登封輦中輿之制赤質正方形如一朱龍椅而加長竿二節如逍遙輦而不施樓屋制尤簡素惟施畫雲板而已又有七寶輦孝宗隆興二年爲德壽宮製高五十一寸闊二十七寸深三十六寸此附大輦平輦制度爲之上施頂輪耀葉角龍頂龍滴子鐸子結穗毬下施梅紅絲裙綢加綴七寶中設香木御坐引手爲轉身龍靠背爲龍首靠杵子織以紅黃之昇以長竿二竿首爲螭首金塗銀飾焉小輿赤質頂輪下施曲柄加蓋緋繡輪衣絡帶制如鳳輦而小下有勾闌牙牀皆繡憑水中設方牀緋繡羅衣錦褥上有小案坐牀皆繡衣踏牀緋衣前後長竿二銀飾梯行馬奉輿二十四人中輿後去其輪蓋方四十九寸高三十一寸輿上周以勾門施翟羽玉照子中爲方牀三級上設御坐曲几踏子曲柄緋羅繡蓋輿下紅絲結五色花裙綢舉以長竿二竿爲螭首宮殿從容所乘設鹵簿則陳之腰輿前後長竿各二金銅螭頭緋繡鳳裙欄上施錦褥別設小牀緋繡花龍衣奉輿十六人中輿制赤質方形四面曲闌下結繡裙綢制如小輿帷無翟尾玉照子三級

牀曲柄蓋而上設方御牀曲几竿無螭首用亦同小輿相風鳥輿上載長竿竿杪刻木爲鳥垂鷖毛
簞紅綬帶下承以小盤周以緋裙繡烏形輿士四人行漏輿制同鐘鼓樓輿而大設刻漏如稱衡首
垂銅鉢末有銅象漆匱貯水渴鳥注水入鉢中長竿四輿士六十人十二神輿亦質四門旁刻十二
辰神緋繡輪衣絡帶輿士十二人交龍鉦鼓輿各一皆刻木爲二青龍相交下有木臺長竿一掛畫
鼓一掛金鉦上皆有緋蓋亦繡交龍輿士各二人鐘鼓樓輿各一皆刻木爲屋中置鐘鼓下施木臺
長竿如鉦鼓輿輿士各二十四人其自行漏輿以下舊禮無文皆開寶定禮所增中輿後相風行漏
十二神鉦鼓四輿皆不設其皇太后皇后所乘則有龍輿龍肩輿東都皇太后垂簾皆抑損還嫌不
肯乘輦止用輿而已

續通典
禮典

樓輿

右大輦芳亭輦鳳輦逍遙輦平輦七寶輦小輿腰輿相風鳥輿行漏輿十二神輿鉦鼓輿鐘鼓

宋制耕根車青質蓋三層餘如五輅之副駕六青馬駕士四十人親祠具大駕法駕鹵簿並列於仗
內若耕藉則乘之

南渡制度同駕
士七十五人

續通典
禮典

右耕根車

進賢車古安車也太祖乾德元年改赤質兩壁紗隱擎耳虛匱一轅緋幘衣絡帶門簾皆繡鳳紅綵
網中設朱漆牀香案紫綾案衣緋繒裏輓索朱漆行馬

凡車皆有
輓索行馬

駕四馬駕士二十四人

輿服
志

右進賢車

明遠車古四望車也駕以牛太祖乾德元年改仍舊四馬赤寶制如屋重欄勾闌上有金龍四角垂銅鐸上層四面垂簾下層周以花版三轅駕士四十人服繡對鳳與服志

右明遠車

羊車古輦車也亦為畫輪車駕以牛隋駕以果下馬今亦駕以二小馬赤寶兩壁畫龜文金鳳翹緋憶衣絡帶門簾皆繡瑞羊童子十八人輿服志

右羊車

指南車亦名司南車赤寶兩箱畫青龍白虎四面畫花鳥重臺句闌鏤棋四角垂香囊上有仙人車

雖轉而手常南指一轅鳳首駕四馬駕士舊十八人太宗雍熙四年增為三十人仁宗天聖五年燕肅復創意造之其

法用獨轅車車箱外籠上有重構立木仙人於上用大小輪九合齒一百二十足輪二高六尺圍一才八尺附足立子輪二徑二尺四寸圍七尺二寸齒各二十四齒間相去三寸轅端橫木下立小輪

二其徑三寸鐵軸貫之左小平輪一其徑一尺二寸齒十二右小平輪一其徑一尺二寸齒十二中

心大平輪一其徑四尺八寸圍一丈四尺四寸齒四十八齒間相去三寸中立貫心軸一其高八尺

徑三寸上刻木為仙人其車行木人南指若折而東推轅右旋附右足子輪順轉十二齒繫右小平

輪一匝觸中心大平輪左旋四分之一轉十二齒車東行木人交而南指若折而西推轅左旋附左

足子輪隨輪順轉十二齒繫左小平輪一匝觸中心大平輪右轉四分之一轉十二齒車西行木人

交而南指若欲北行或東或西轉亦如之大觀元年內侍吳德仁又獻指南車之制其制身一丈一尺一寸五分闊九尺五寸深一丈九寸車輪直徑五尺七寸車轅一丈五寸車箱上下為兩層中設屏風上安仙人一執杖左右龜鶴各一童子四各執纓立四角上設關吳臥輪一十三各徑一尺八寸五分圍五尺五寸五分出齒三十二齒間相去一寸八分中心輪軸隨屏風貫下下有輪一十三中有大平輪其輪徑三尺八寸圍一丈一尺四寸出齒一百齒間相去一寸二分五釐通上左右起

落二小平輪各有鐵墜子一皆徑一尺一寸圍三尺三寸出齒一十七齒間相去一寸九分又左右
隔輪各一徑一尺五寸五分圍四尺六寸五分出齒二十四齒間相去二寸一分左右疊輪各二下
輪各徑二尺一寸圍六尺三寸出齒三十二齒間相去二寸一分上輪各徑一尺二寸圍三尺六寸
出齒三十二齒間相去一寸一分左右車腳上各立輪一徑二尺二寸圍六尺六寸出齒三十二齒
間相去一寸二分五釐左右後轆各小輪一無齒繫竹篴并索在左右軸上還右
轉使右轆小輪觸落右輪若左轉使左轆小輪觸落左輪行則仙童交而指南
續通典
禮典

右指南車

記里鼓車一名大章車赤質四面畫花鳥重臺勾闌鏤拱行一里則上層木人擊鼓十里則次層木
人擊鐺一轅鳳首駕四馬駕士舊十八人太宗雍熙四年增爲三十人
輿服志

右記里鼓車

白鷺車隋所制也一名鼓吹車赤質周施花版上有朱柱貫五輪相重輪衣以緋阜頂及緋絡帶並
繡飛鷺柱杪刻木爲鷺銜鷺毛第紅綬帶一轅駕四馬駕士十八人
輿服志

右白鷺車

鸞旗車漢制爲前驅赤質曲壁一轅上載赤旗繡鸞鳥駕四馬駕士十八人
輿服志

右鸞旗車

崇德車本秦辟惡車也上有桃弧棘矢所以禳却不祥太祖乾德元年改赤質周施花版四角刻辟
惡獸中載黃旗赤繡此獸太卜署令一人在車中執旗駕四馬駕士十八人政和之制建黃羅繡崇
德旗一彩畫刻木獬豸四宣和元和禮制局言崇德車載太卜令一員畫辟惡獸於旗記曰前巫而

後史傳曰桃弧棘矢以供禦王事請以巫易太卜弧矢易辟惡獸從之

輿服志

右崇德車

皮軒車漢前驅車也冒以虎皮爲軒取曲禮前有士師則載虎皮之義赤質曲壁上有柱貫五輪相重畫虎文駕四馬駕士十八人政和之制用漆柱貫朱漆皮軒五

輿服志

右皮軒車

黃鉞車漢制乘輿建之在大駕後晉鹵簿有黃鉞車唐初無之貞觀後始加赤質曲壁中設金鉞一錦囊網杠左武衛隊正一人在車中執鉞駕兩馬駕士十五人

輿服志

右黃鉞車

豹尾車古者軍正建豹尾漢制最後車一乘垂豹尾豹尾以前卽同禁中唐貞觀後始加此車於鹵簿內制同黃鉞車上載朱漆竿首綴豹尾右武衛隊正一人執之駕兩馬駕士十五人

輿服志

右豹尾車

屬車十二乘黑質兩箱輦裝前有曲欄金銅飾上施紫通幃絡帶門簾皆繡雲鶴紫絲網幘踏每乘駕一牛駕士十八

續通典禮典

右屬車

人制鹵簿有青旌車赤質曲壁中載青旌以絳帛爲之畫青鳥於其上鳴鳶車赤質曲壁中載鳴鳶

旌以絳帛爲之畫鳴鳶於其上飛鴻車赤質曲壁中載飛鴻旌以絳帛爲之畫飛鴻於其上虎皮車赤質曲壁中載虎皮旌以絳帛爲之緣以赤畫皮虎於其上貌貅車赤質曲壁旌以絳帛爲之緣以赤畫貌貅於其上其轅皆一

續通典
禮典

右五車

涼車赤質金塗銀裝龍鳳五采明金織以紅黃藤油壁緋絲條龍頭梅紅羅褥銀螭頭穗雲采踏頭蓮花坐鴈鈞火珠門沓鉏鉞頻伽大小鑲駕以橐駝省方在道及校獵廻則乘之

輿服志

右涼車

皇后之車唐制六等一曰重翟二曰厭翟三曰翟車四曰安車五曰四望車六曰金根車宋因之初用厭翟車其制箱上有平盤四角曲闌盤兩壁紗牕龜文金鳳翅前有虛匱香爐香寶緋繡幃衣絡帶門簾三轅鳳首畫梯推竿行馬緋繒裏紫駕六馬金銅面纓轡鈴攀緋屨駕士三十人武弁緋繡衫常出止用正副金塗銀裝白藤輿各一上覆樓櫓屋飾以鳳輦官服同乘輿平頭輦之制

輿服志

內外命婦之車銀裝白藤輿檐內命婦皇親所乘白藤輿檐金銅犢車漆犢車或覆以氍或覆以樓內外命婦通乘

皇太后皇后鹵簿皆如禮令昭憲孝明孝章元德明德莊穆皇后園陵嘗用之公主鹵簿惟葬日給之秦國成聖繼明夫人葬日亦給外命婦一品鹵簿自餘未嘗用之

仁宗初章獻太后臨朝儀衛始盛乾興元年用禮儀院奏製皇太后所乘輿名之曰大安輦
哲宗卽位尊朱貴妃爲皇太妃出入乘檐子有司請用牙魚鳳爲飾織用青以上通考
王禮考

右后妃命婦以下等車

皇太子車輅之制一曰金輅車二曰輅車三曰四望車太宗至道初眞宗爲皇太子謁太廟乘金輅
常朝則乘馬眞宗天禧中仁宗爲皇太子亦同此制徽宗政和三年議禮局上皇太子車輅之制金
輅赤寶金飾諸末重較箱畫莖文鳥獸黃屋伏鹿軾龍轡金鳳一在軾前設障塵朱蓋黃裏輪畫朱
牙左建旂九旒右載闔戟旂首飾金龍頭銜結綬及鈴綬八鸞在衡二鈴在軾駕赤騮四金鏤方鈇
插翟尾鏤錫盤纓九就從祀謁太廟則供之輅車金飾諸末紫油通憶紫油纁朱裏駕馬一四望車
金飾諸末青油通憶青油纁朱裏朱絲絡網駕馬一輅車四望車以次列於鹵簿仗內親王乘象輅

續通典
禮典

右皇太子親王車輅

宋制親王一品二品奉使及葬並給革輅制同乘輿之副惟改龍飾爲螭六引內三品以上乘革車
赤質制如進賢車無案駕四赤馬駕士二十五人其緋憶衣絡帶旗戟綢杠繡文司徒以瑞馬京牧
以隼御史大夫以獬豸兵部尙書以虎太常卿以鳳駕士衣亦同縣令乘輅車黑質兩壁紗窻一轅
金銅飾紫憶衣絡帶並繡雉銜瑞草駕二馬駕士十八人眞宗大中祥符三年知樞密院事王欽若

言王公車輅上並用龍裝乞下有司檢定制度詔下太常禮儀院詳定本院言按鹵簿令王公以下象輅以象飾諸末朱班輪八轡在衡左建旗畫龍一升一降右載闔戟革輅以革飾諸末左建旃餘同象輅木輅以漆飾之餘同革輅輅車曲壁青幘碧裏諸輅皆朱質朱蓋朱旗旃一品九旒二品八旒三品七旒四品六旒其轡纓如之神宗元豐三年詳定禮文所言鹵簿記公卿奉引第一開封令乘輅車次開封牧隼旗次太常卿鳳旗次司徒瑞馬旗次御史大夫獬豸旗次兵部尙書虎旗而乘革車考之非是謹按周禮巾車職曰孤乘夏篆卿乘夏縵大夫乘墨車司常職曰孤卿建旃大夫建物請公卿以下奉引先開封令乘墨車建物次開封牧乘墨車建旗太常卿御史大夫兵部尙書乘夏縵司徒乘夏篆並建旃所以參備九旗之制詔從之徽宗時政和議禮局又上王公以下車制象輅以象飾諸末朱班輪八轡在衡左建旗右載闔戟駕馬四親王昏則用之革車亦寶蓋闔戟緋羅繡輪衣簾旗輅杠絡帶鵠亦馬四大駕鹵簿六引法駕鹵簿三引開封牧乘之王公一品二品三品備鹵簿皆供革車一乘其輪衣簾旗輅杠絡帶繡文開封牧以隼大司樂以鳳少傅以瑞馬御史大夫以獬豸兵部尙書以虎輅車墨質紫幘衣絡帶並繡雉施紅錦簾香爐香寶結帶鵠赤馬二鹵簿內第一引官縣令乘之駕馬皆有銅面插羽輦纓鑾胸鈴拂緋絹履紅錦包尾六年禮制局言開封牧列職於朝與御史大夫同在周官則卿大夫之職乃乘墨車可乎成周上公建常九其旒侯伯七旒子男五旒大夫車旗亦各視其命之數則卿建旃當六旒大夫建物當四旒至于三旒則上士所

建也其開封令宜乘墨車而建物四旂開封牧御史大夫戶部禮部兵部尚書皆卿也宜乘夏縵而建旗六旂其年詳定官蔡攸又言輅車非縣令宜駕革車非公卿宜用鳳馬之繡無所經見闕戟之設尤爲誤謬開封令秩比大夫開封牧古之諸侯其乘皆宜墨車其駕之馬令以三牧以四御史大夫以六尚書卿之任也其駕亦四則所乘之車稱矣司常曰孤卿建旗大夫士建物師都建旗開封令秩視大夫宜建以物開封牧師都之任宜建以旗尚書御史大夫古之卿也宜建以旗從之七年禮制局又言昨討論大駕六引車已經冬祀陳設訖所有駕士衣服尚循舊制宜改正請墨車駕士衣皂夏縵駕士皂質繡五色團花於禮爲稱從之

續通典
禮典

右公侯大夫等車輅

天子之服一曰大裘冕二曰衮冕三曰通天冠絳紗袍四曰履袍五曰衫袍六曰窄袍天子祀享朝會親耕及視事燕居之服也七曰御閱服天子之戎服也中興之後則有之

大裘之制神宗元豐四年詳定郊廟奉祀禮文所言周禮司裘掌爲大裘以供王祀天之服司服王祀昊天上帝則服大裘而冕祀五帝亦如之享先王則衮冕而禮記云郊祭之日王被衮以象天戴冕藻十有二旒則天數也王肅據家語以爲臨燔柴脫衮冕著大裘則是禮記被衮與周禮大裘郊祀並用二服事不相戾但服之有先後耳臣等詳大裘之制本以尚質而後世反以尚文故冕之飾大爲不經而禮書所載上有垂旒加飾又異大裘不裼之說今參考諸說大裘冕無旒廣八寸長一

尺六寸前圓後方前低寸二分玄素朱裏以繒爲之玉笄以朱組爲紃玉瑱以玄統垂之爲裘以黑羔皮領袖以黑繒縹裳朱紱而無章飾佩白玉玄組綬革帶博二寸玉鈎鐶以佩紱屬之素帶朱裏絳純其外上朱下綠白紗中單皂領青標襪裾朱韞赤烏黑絢纓純乞下所屬製造其當暑奉祠之服乞降梁陸瑋議以黑繒爲裘

輿服志

皇太子之服一曰衮冕二曰遠游冠朱明衣三曰常服衮冕青羅衣繡山龍雉火虎雉五章紅羅裳繡藻粉米黼黻四章紅羅蔽膝繡山火二章白紗中單青標襪裾革帶塗金銀鈎鐶瑜玉雙佩四采織成大綬結二玉環金塗銀鈹花飾青羅袜帶紅羅勒帛玉具劔金塗銀鈹花玉鏤首白羅韞朱履金塗銀鈹從祀則服之遠游冠朱明服紅花金條紗衣紅紗裏皂標襪紅紗裳紅紗蔽膝並紅紗裏白花羅中單皂標襪白羅方心曲領羅韞黑烏革帶劔佩綬餘同裘服袜帶勒帛執桓圭受冊謁廟朝會則服之常服皂紗折上巾紫公服通犀金玉帶

輿服志

諸臣祭服九旒冕青羅衣繡山龍雉火虎雉五章緋羅裳繡藻粉米黼黻四章緋蔽膝繡山火二章白花羅中單玉裝劍佩革帶量錦綬二玉環緋白羅大帶緋羅韞履親王中書門下奉祀則服之其冕無額花者元衣纁裳悉畫小白綾中單獅子錦綬二銀環餘同上三公奉祀則服之七旒冕衣畫虎雉粉米三章裳畫黼黻二章銀裝佩劔革帶餘同九旒冕九卿奉祀則服之五旒冕青羅衣裳無章銅裝佩劔革帶餘同七旒冕四品五品爲獻官則服之六品以下無劔佩綬紫檀衣朱

通考作及裳羅

爲之皂大綾綬銅裝劍佩御史博士服之平冕無旒青衣纁裳無劍佩綬餘同五旒冕太祝奉禮服之朝服進賢五梁冠緋羅袍白花羅中單緋羅裙緋羅蔽膝並皂褙襖白羅大帶白羅方心曲領玉劍佩銀革帶量錦綬二玉環白綾襪皂皮履一品二品侍祠朝會則服之中書門下則冠加籠巾貂蟬三梁冠無中單銀劍佩獅子錦綬銀環餘同五梁冠諸司三品御史臺四品兩省五品侍祠朝會則服之御史大夫中丞則冠有獬豸角衣有中單兩梁冠銅劍佩練鵲錦綬銅環餘同三梁冠四品五品侍祠朝會則服之六品以下無中單無劍佩綬御史則冠有獬豸角衣有中單其公服因唐之制三品以上服紫五品以上服朱七品以上服綠九品以上服青其制曲領大袖下施橫襴束以革帶幘頭烏皮鞢自王公至一命之士通服之太宗太平興國三年詔朝官出知節鎮及轉運使副衣緋綠者並借紫知防禦團練刺史州衣綠者借緋衣緋者借紫其後江淮發運使同轉運提點刑獄同知刺史州雍熙初郊祀慶成始許升朝官服緋綠二十年者敘賜緋紫真宗登極京朝官亦聽敘及東封西祀赦書京朝官並以十五年爲限後每帝登極亦如例仁宗景祐元年詔軍使曾任通判者借緋曾任知州者借紫神宗元豐元年去青不用階官至四品服紫至六品服緋九品以上則服綠太宗太平興國七年詔以士庶車服頗有踰僭令翰林學士承旨李昉詳定以聞昉奏近年品官綠袍及舉子白襴下皆服紫色請禁之其私第便服許紫皂衣白袍舊制庶人服白今請流外官及貢舉人庶人通許服皂從之帽衫帽以烏紗衫以皂羅爲之角帶繫鞵東都士大夫交際常服之紫衫本軍校之服中興士大夫服之以便戎事高宗紹興二十六年禁以戎服

臨民自是士大夫皆服涼衫以爲便服涼衫制如紫衫亦曰白衫孝宗乾道初以其似凶服禁之便服仍許用紫衫深衣用白細布圓袂方領曲裾黑緣大帶緇冠幅巾黑履士大夫家冠昏祭祀宴居交際服之襦衫亦白細布爲之圓領大袖下施橫欄爲裳腰間有辟積進士及國子生州縣生服之

續通典
禮典

右君臣服章制度 士庶人附

宋制后妃之服一曰褱衣二曰朱衣三曰禮衣四曰鞠衣后之褱衣深青織成翟文素寶五色十二等青紗中單黼領羅縠標襖蔽膝隨裳色以緇爲領緣用翟爲章三等大帶隨衣色朱裏紕其外上以朱錦下以綠錦紐約用青組革帶以青衣之白玉雙佩黑組雙大綬小綬三間施玉環二青轅烏爲加金飾受冊朝謁景靈宮服之鞠衣黃羅爲之蔽膝大帶革烏隨衣色餘同褱衣唯無翟文親蠶服之其朱衣禮衣仍唐制但存其名而已妃褕翟青羅繡爲搖翟之形編次於衣青寶五色九等素紗中單黼領羅縠標襖蔽膝隨裳色以緇爲領緣以搖翟爲章二等大帶隨衣色不朱裏紕其外餘仿皇后之制受冊服之皇太子妃褕翟青織爲搖翟之形青寶五色九等素紗中單黼領羅縠標襖皆以朱色蔽膝隨裳色以緇爲領緣以搖翟爲章二等大帶隨衣色不朱裏紕其外上以朱錦下以綠錦紐約用青組革帶以青衣之白玉雙佩純朱雙大綬章宋尺寸與皇太子同受冊朝會服之鞠衣黃羅爲之蔽膝大帶革帶隨衣色餘與褕翟同唯無翟從蠶服之其常服后妃大袖生色領長裙

霞帔玉墜子背子生色領皆用絳羅與臣下不異命婦服徽宗政和中議禮局上翟衣青羅繡爲翟
編次於衣及裳一品翟九等二品八等三品七等四品六等五品五等並素紗中單繡領朱襹襪通
用羅縠蔽膝隨裳色以緞爲領緣加文繡重雉爲章二等大帶革帶青鞵烏佩綬受冊從暨服之續
典禮
典

右后妃命婦服章制度